

備萬厯間巡按奏旌

潞城府輔國將軍朱俊棕繼妻王氏俊棕好施祿入常不贍王恒以匱貲佐之俊棕卒王年二十餘會歲荒家無長物力女紅以襄殯事撫孤充燿有成萬厯庚戌巡撫奏聞褒贈夫人立掉楔旌之

監生李貞妻王氏青年喪夫遺一女矢志守節母孀兄夭幼姪纔弱齡氏迎母同居生卒盡禮撫姪成爲娶婦以繼王後鄉黨稱賢

李懷安妻王氏年十六歸李越七年而寡矢死守志貧苦終身萬厯丁未詔旌

衛軍仲海妻董氏海沒三子胥幼訓誨成立皆有操行長子能承役有智謀以功陞指揮

山西通志卷一百六十四 列女錄三

二

輔國將軍朱充剡妻張氏年十九適充剡逾年充剡卒守節四十年育孤有成萬厯丁未詔旌

馬恒妻陳氏守節四十餘年獲旌

丁淮妻梁氏早孀守節子世成娶王氏其後世成疾謂王曰母孀子幼皆若責也氏領之矢志事育不負遺言當事旌其門曰雙節

朱俊樾妻王氏廟見三載不孕爲夫納妾陳氏陳舉子氏以封號讓之未幾夫與陳相繼沒撫子甫成尋亦亡氏與子婦阮氏共砥節以終

典膳石銘妻馬氏銘以鹺賈客揚州娶氏生子二方在抱銘轉遊長蘆卒族邸族人盡括其遺貲令氏他適氏涕泣不從族人舁柩返不與氏俱氏乃治裝攜一孤北歸厯數千里抵